



程

思

集

航空委員會政治部印
作者 唐 玉 虬
乙種文化教育叢書之二

猛思集目次

簡序

梁寒操題詞

杭州空戰行

詠武昌空戰大捷

空軍東征行

武漢空戰三捷歌

炸台灣

少城公園追悼空軍陣亡將士

新疆省民衆餉金購獻飛機助戰

成都空戰行

贈空軍軍士學校第一期畢業生

送空軍軍士學校王教育長叔銘陞掌昆明空軍軍官校教育長

新鷹歌

炸宜昌

送死機

同命曲

蒲陽花

四架機

寇機燬

空軍烈士詩

高烈士志航劉烈士粹剛

沈烈士崇誨

李烈士桂丹

安烈士家駒關烈士萬松

閻烈士海文

惲烈士逸安高烈士謨

黃烈士居谷

秦烈士家柱

李烈士嶽龍魏烈士國志

黃烈士鶯

劉烈士若谷鄧烈士鳳崗

黃烈士瑞穩楊烈士權

劉烈士福洪

張烈士若翼

鄧烈士從凱段烈士文郁

樂烈士以琴

王烈士天祥

趙烈士超凡陳烈士略

述事並弔周志開將軍

紀席生言

不補假歌贈空軍士校金教育副處長恩心

誅毒彈歌

雛鵬歌敬祝士校成立三週年

空軍士校三週年成立紀念題詞

贈士校第二期畢業生

送空軍軍士學校第三期全體畢業生之伊甯受訓

羅恩集目次

憶西征士

留別士校

掠駝峯歌

自吟

自跋

附記

猛思集序

世變紛乘，極欲縱利，雲詭波譎，難語是非，凜強陵衆塞之危，知空防建設之重，邇者世界第二次戰役甫戢，河山還我，國恥既湔，我空軍用命之士，精忠報國，勇於成人之績固已光被四表，昭傳史乘矣，唐君玉虬更歷舉空戰諸役，發爲詩歌，於以表彰忠盡，游揚壯烈，殆將廉頑立懦，知必多聞風興起者焉，固我天疆，以安萬世，吾人皆當歌大風而發長想也，爰題以猛思集，并爲之序，中華民國三十五年五月卅日

簡樸題識

唐玉虹作


九
家
聖
以
上
為
歌

梁寒松署

猛思集

武進聶公唐玉

杭州空戰行二十六年八月十四日作



飛車紫見在禹王、公輪木鳶能高翔、豈知後世踵其製、殺人利器無敢當、於惟孫武研發士、微言
會已形篇章、兵法動於九天上、并先云及九地藏、海東葦爾有島國、受我卵翼以立邦、稱臣朝貢
禮不絕、自明上汜至宋唐、自明以後每作賊、兒孫長大欺爺娘、甲午一戰彌狂易、謂羽已就爰賜
張、敢行不道陵上國、毒發橫絕炎彼蒼、哀哉天津十萬衆、無罪首痛遭其殃、煌煌南開大學府、
焚坑何啻如秦皇、赫然蔽天十三隻、遠自台北逾重洋、時維丁丑歲八月、月十四日來襲杭、未至
先聞笛聲報、其聲哀激淒以長、大家小家盡閉戶、路不通行燈滅光、下地上天騰殺氣、榮榮星月
猶覺恆、大劫誰識終難悔、電鵬翔滿銀河旁、盤空餽子賦無鶴、穿雲尙書稱鷹揚、閉關無畏神肅
穆、百鳥之中威鳳凰、瑣費哈爾烏鴉陣、遂關空中爲戰場、一擊再擊聲悲壯、十盞十決風雨狂、
機槍橫射流星過、炸彈下擲雷破岡、浦田殿閣應搖動、錢塘潮至爲低昂、吾國願多熊虎士、熊虎
生翼誰頡頏、義憤直薄穹蒼上、猛氣先令烟燭障、撐雲裂雷逞威武、斫地摩天施擊撞、神勇一一
無敢抗、就中更說高志航、搏戰未已敵陣亂、已報五隻墜地亡、來如鸞鷲盤猛勢、去似鷲雁難成
行、鍛羽不待剛風至、招魂長指羅刹江、蝦夷難革魚蝦體、插翅無有升天望、聞航空家云倭人體
格不慣高昇高昇則
頭目明日京漢還南昌、多往敗辱緣底忙、十五日倭以大隊飛機復襲杭州、又襲南京、武漢、南昌
敗聲

十一架，死傷航員八十一人，俘十一人，其聯隊長石井義將、慚而剖腹。中外切齒爾殘酷、無辜何必多殺傷、日機在滬開市及車站醫院、濫施轟炸、死傷行旅難民傷兵、累數千人、焚燬民房、吾軍空戰茲發軔、百年奇捷破天荒、會看天兵一鼓下、碎爾無算、殘酷之行、爲中外所切齒。三島如頽牆、策勳勸我忠勇士、爛煮梟獍燃扶桑、

詠武昌空戰大捷 二十七年四月三十日作

武昌城上殺氣浮、武昌城下江逆流。扶桑鷓鴣成羣至、千里聲鷓吼萬牛。豈知吾國飛將勇、雲鳥陣先布四週、霹靂一聲天地動、怒龍舞爪擊鴟鵂、豈有鴟鵂不施毒、一時爭戰正未休、攻圍猶嫌太空窄、金丸上下雨點稠、日月奔避不安室、星斗亂入銀河洄、金烏玉兔深藏匿、偷窺時還遮一眸、猛氣下翻雲夢澤、殺聲上撼虛皇旒、自然仁勇人天助、紛紛敵潰東南陬、片片銀羽剛風裏、了了晴空安可度、一隻一隻青天墜、江漢滾滾看火球、前月曾燬十一隻、廿一隻復茲辰投、或云共到卅六隻、隻隻盡燬無一留、見滬大破胆喪魂招不得、此地尙敢重來不、錢塘金陵空戰烈、兩戰猶遜茲戰道、所恨吾身羈醜水、是辰未泛鄂渚舟、晴川閣上一憑眺、壯觀快憤心所求、更恨醜虜殘酷性、浪殺平民民何尤、襄河閭閻變灰燼、嶽麓桃李遭虔劉、丈夫生世抱奇憤、况當家國殘金甌、我亦不欲搥碎黃鶴樓、我亦不欲翻却鸚鵡洲、還向仙人假黃鶴、直跨蓬萊頂上遊、身率鷓鷯三百隊、海風瀾瀾天風秋、高穿萬仞青雲表、下指大屋吾深仇、吾彈有眼不妄擲、彈彈皆落凶人頭、大來小往聊一酬、頃刻神州烽燧收、願向天宮索酒飲、一散胸懷萬古愁、

空軍東征行 二十七年五月十九日夜

鐵翅高摩月窟行、鵝鵬結隊跨海征、嫦娥出倚桂樹望、遙影東入雲冥冥、此時摸黑萬里上、寸心
 自辨途所經、二十日上午一時若干分空中專電、雲有時怒衝敵艦過、猛勢曳落銀河星、上鼓大氣
 千仞浪、下激大海雲濤聲、微芒忽見數點燈、知到三山最上層、一字魚貫歡舞進、振翼略向空中
 停、顆顆投下照明彈、朗若白晝呈萬形、戎戎島市烟戶密、漠漠山村町樹青、飛繞扶桑國一匝、
 下界人猶半睡醒、吁嗟乎、吾國警笛不停嘯、青天白日轟雷霆、巨彈千斤隨手擲、震動直覺地軸
 傾、際我城市爲灰燼、殺我婦孺盈郊垌、嶽麓峯頭桃李泣、雲龍山前猿鳥驚、爾國不立天之上、
 爾國不能外八紘、此日仰吾雲鳥陣、七千萬人予死生、以直報怨孔所許、出爾反爾言傳曾、巨彈
 載來九天翼、三島立可沉東溟、不報怨兮不念惡、大邦度量原恢弘、橫殺無辜豈爲武、三誥迺殛
 須丁寧、投爾束書爾自讀、人有秉彝非豺朋、來時海風吹瀾灩、歸時天風御冷冷、一夕往還數萬
 里、回國始見東方明、可笑島夷原自蠢、吾歸猶是雙目瞠。上兵攻心不攻城、此勳實可燕然銘。
 東征壯士伊誰氏、要使千載知姓名。徐煥昇正 隊長 佟彥博副 隊長 雷天眷以 劉光榮 蘇光積 吳冲 蔣紹 陳光
 下隊員 榮華 吳冲 蔣紹 陳光

武漢空戰三捷歌 二十七年

扶桑鐵鳥兇無京、只於無防處橫行、如蝗飛上五羊城、城下流血奔濤聲、鄂州飛將猛如虎、敵來
 輒歸歸無路、鴉羣欲傍黃鶴磯、雲陣先結漢陽渡、入網蜻蜓總被擒、投繯烏雀何能去、初來十一
 隻爲泥、繼到全盤無一歸、豈有兇禽不畏死、又向郢門煙樹飛、望勢成怖忽破膽、吾軍豈能縱之
 返、突擊包圍不放鬆、一時又作空中戰、前時猶有未招魂、此時銀羽尤紛紛、搖手乞降雲際下

、吾國不殺降將軍、有敵機駕駛員、跳傘降落、在空中、漢口湖口同出擊、風伯雲師來送捷、江上頻頻乞降者、吾空軍即停槍勿擊、我亦毀機二架張分隊長、誅梟殞鳳吾何說、蛟鯨血斑斑、又報墮地十四隻、只恨失我張壯士、效賢以殺敵過猛殉職

炸臺灣

二十七年二月二十五日吾國空軍飛往臺灣敵機場炸毀敵機四十餘架機庫油廠盡皆焚燬無遺

迅雷轟我九州聲、報爾聊爲一度攻、雲鷲穿天千仞碧、火龍燒海浹辰紅、鯨鯢脂本催然物、棟宇飛如久槁蓬、猶惜舊時藩服地、燎原未使向狂風、

少城公園追悼空軍陣亡將士

行行花樹着春風、穆穆靈堂錦里中、萬古碧空思戰伐、一天紅雨弔英雄、鸞鳳銀翮文章在、虎豹留皮視盼崇、終使蛟鯨旋懾服、精魂長掛海門虹、

新疆省民衆贖金購獻飛機助戰

西北由來產驍驍、千羣萬騎似龍驤。今懲滄海蛟鯨橫、便看天山鷗鷺翔。結隊夜飛葱嶺月、同仇日砥綠沉槍。巍巍大國何能測、士氣充盈物力强。

成都空戰行 二十八年十一月四日

蜀山千站萬點尖、點點上與青天黏。猿鳥愁絕不能度、敵禽乃敢頻窺覘。前轟渝市血成海、更炸錦官城郭隘。元元流徙棲無所、千人萬人怨毒含。秋風吹過大巴嶺、無數鐵鳥雲中潛。成羣飛飛

更西趨、復向梁益燔閭閻。豈知吾軍大仁勇、早昇碧落遮防嚴。威鳳臨空神彩王。凡羽遇之氣忽燔。
。西方原當白虎位、朱鳥陣中威智鈞。岷峨雪嶺轟天際、萬仞白玉寒崑崙。銀障鐵壁立西極、嗟爾
之來窟發店。旬然一聲雷霆震、電驚雲埃空戰酣。死是中國之雄鬼、生是中國之好男。鷹揚鷲搏
九霄上、士氣激越天爲甜。音貪吐舌也桓桓雲端王壯士、是日領隊者爲王大隊副漢勳。慣經戰鬥揮戈鏃。赫然催陣排
風進、食盡妖鳥非貪婪。蜀山澄澄照銀羽、哈爾不足當一殲。渠首駢殪洵爲快、擊斃敵領隊奧田
三郎森千代次兩大尉、敵關當擊斃敵機三架、因被創沿途墜落者八九架、是爾惡貫良已滿、積怒深憤天
屢襲川境皆此三人之導也、殘麟敗甲空縷緜。凱旋喜氣動萬戶、晶晶長空民具瞻。長保是氣衛中土
人兼。乘勝直追過三峽、數點秋隼破碧嵐。蒼爾醜虜不足數。狂生筆力如牛努、爲書奇勳刊劍南。

贈空軍軍士學校第一期畢業生

屠龍學就拂鸞刀、貫月穿星意氣豪。碧宇勁秋刷新翮、銀河漲濼映征袍。鴟鵂萬里雲程闊、蛟鱈
三山海霧高、行矣英雄須努力、爭看寇虜望風逃、

送空軍軍士學校王教育長叔銘陸掌昆明空軍官校教育三十

陶鑄英才徧八垠、乾坤再造藉空軍。西川鷗鷺初編隊、南海鷓鴣待拂雲。擊水忽教失三島、摩天
長看布千雲、臬比此日春風坐、麟閣他年第一勳、

新鷹歌三十年三月五日作

蜀山高高入天、翠壁萬仞猿難緣、豈知送死有敵鳥，時時羣飛入西川、翁翁薨薨聚蚊聲、廿隻卅隻攢雲行。忽然一陣鴉翻舞、欲下平蕪刷毛羽、蕪雨蝦夷敢自驕、蕪聞霹靂響雲霄、破膽碎身悔何及，一隻墮地餘皆逃，君不見，奧田幾年落涪江，木村今日墮華陽，蜀國處處皆羅網，爾來送死胡太忙。曹兵昔日窺江東，周郎一炬百萬空，敵來益多氣益壯，殲爾不藉東南風，礮如雷發槍如雨，雲中地上多英雄。

同命曲

爲黃烈士燮發
楊女士全芳作

三十年八月十一日，敵機襲蜀，黃烈士燮發時爲空軍某隊分隊長，與其僚王君崇士，隨副隊長譚君卓勵，遇戰於鳳凰山温江上空，擊落敵機一架，譚黃王均以中敵彈殞，黃烈士廣東台山，先是識北平人楊女士全芳，已訂婚矣。女士就學于華西大學，聞耗哭之慟，越五日，至雙流黃烈士往時憩息之所，出其所挈麗服，爲烈士昔所贈者，靚妝以手槍自殺以殉，若女士者可謂從容赴死者矣。

天池翔鷗鷺，錦水蕩鴛鴦，。俯仰雲泉翻，大小必雙翔。雙翔何翩翩，生死不相捐，此翼並飛樓互覆，爲君遮煖還遮寒。君家遙接羅浮樹，妾在黃金臺畔住。邈絕雲山萬里餘，南燕朔鴻不相顧。何事蛟鯨簸海風，忽教吹送在一處，相游相處錦官城，相逢脉脉先含情。三生早被紅絲繫，百歲初聯白首盟，清潭百尺游鯉鱗，世人盟誓不盟心。一結同心何可解，同心何必定同衾，非拈紅豆相思切，每誦關雎企好音。執手共視天垣久，問郎何日殲狂寇，君爲國家持戈矛，妾當爲郎操箕帚，戈矛驅虜如雷霆，箕帚除穢出星斗，星斗迢迢掛胸前，看郎御風冷冷然。御風歸來先視妾，鐵鞠行歌錦江邊，昨聞殺敵雲霄上，電擊雷轟聲激壯，方欣妖鳥鏝罡風，轉報丹鳳殞秋嶂，夜深

側心難定，消息將信猶未信，恍惚如見郎來前，滿身血污渾難認，郎君已去妾何存，頓時撲破盤龍鏡。郎竟爲國殤，妾當爲郎殉，哭郎成仁處，尋郎遊憩所。已是肝腸斷，誰謂顏色苦，滄江宛轉猶雙流，闌干窈窕昨並語，遙謝親恩直北雲，黃金寄到無所措。女父商西安、先數日寄以多金，還志當歸各有辨，白日青春倏已暮。妾身并作玉摧藏，報郎一顧兩情長，霹靂共驚猿首洞，慘澹忽駭蛾眉僵，灑血片片桃花艷，風縵郁郁椒蘭香，慧心何啻千回破，縷手真同百鍊鋼。就義烈過共姜女，結纓從容仲子路，雲漢湛湛會雙歸，郎君遲我牛女渡，碧霄深處初合燈，萬古伉儷仙亦慕。

蒲陽花

贈空軍幼年學校校在灌縣之蒲陽場故以爲名

蒲陽花、天下英、桃李姿、蘭玉清、菁菁揚秀青城下、絃誦聲答江濤聲。乳虎已含食牛氣、雛鷗已具摩天翎、蒲陽花、好培植、固根本、茂枝葉、聳壑昂霄會有時、爲國棟梁看特立、

四架機

去歲今日二十九日敵機三十六架犯蓉、我軍以機四架升空逐之、猛烈搏戰、敵機倉皇遁去、
七月十四日
迄茲一載、意有所感、特爲作歌、以激揚我袍澤敵愾之氣。

四架機、威鳳威、威鳳雲端立、惡鳥敢飛來、庚辰之夏天無雲、成都城南物候新、忽然惡鳥卅六隻、西犯蓉市踰夔門、投彈肆虐欲東去、赫兮四鳳下雲端、妖惡鷹鷂逐鳥雀、惡鳥驚奔欲喪魂。來有途、去無路、霹靂槍彈流星馳、密密網羅碧空布、四架機、威無倫、急追直擊不放懈、天

爲變色江爲翻、一當十分當百、空軍原有此精神、但教此氣常充奮、寇虜雖多何足吞。作歌書
付告袍澤、速奏奇績清妖氛。

寇機燬

宜昌敵機時入蜀肆虐，三十年六月二十三日，大批敵機入蜀轟炸、返爲我隔岸砲兵偵知，
發砲轟擊，場內停機十九架，逸其六，燬其十三架。去年十月，我宜昌砲兵燬敵機十四架，
今年二月，燬敵機三架，茲又立此奇績，吾雲霄飛將，當益知所奮矣。

寇機西擾日日忙、遮天蔽日如飛蝗、巴州益州成火海、殺人盈野隨灰揚、縱惡肆虐聯尾返、毒氣
滿腹陵驕陽、穿雲度峽緣江去、招朋結隊投宜昌、豈知棲息猶未穩、一聲霹靂摧高岡、六隻飛逃
膽已破、十三隻早隨砲亡、神技古有射雕手、並不虛鳴中必耦、砲下聯翩看殺翮、藝勇不落古人
後、捷音噴傳四海歡、令我擎杯快傾酒、寇機燬我城市多、蜀山巴水次第過、神勇砲兵立奇績、
雲霄飛將速揮戈。

空軍烈士詩

不佞未習飛行，而常有凌雲之志，故每遇我軍空戰，多作長歌紀之，常念我空軍陣亡諸烈士
、爲之涕淚橫襟，壯心激發，擬各撰贈一詩，垂盛烈於無窮，作後賢之景慕，我空軍壯士在
雲霄之上，引吭歌之，益激發其復仇雪恥之心也，茲將已成之詩，布之如左：

高烈士志航，劉烈士粹剛

高烈二烈士，均遼寧人，高爲空軍宿將，任航校教官，新進多出其門，七七事變後，改任指揮，擢上校大隊長，八一四緒戰首創勝利，轉戰長江，立功最偉，敵聞風喪胆，無敢抗，劉初習陸軍，嗣畢業航校二期，任上尉隊長，技術絕精，一日中曾擊落敵機五架，生平共擊落敵機七架，毀巨艦四，功蓋一時，二將勇譽赫赫，傳誦中外。

常聞馬中有騏驎、鳥中有鳳凰、高高雲路銀河畔、豈無奇士超尋常、遼寧豪俊高志航、繼起頡頏劉粹剛、共懷逸興壯思發、上追碧落鷗鵬翔、一前一後奮興超、萬人無敵關興張、中國領空有二將、鴛鴦鵝鴨敢飛揚、笕橋一戰敵喪胆、空軍奇捷破天荒、木更津險散如霧、魂招不得歸故鄉、粹剛英氣益昂、一日射敵五機亡、巨艦灰飛沉海底、鯨敵骨碎敢倔強、二將聯翩真猛將、大名洋溢東西洋、婦孺聞之胆變壯、怯羸聞之勇越牆、耆耆聞之投杖起、病夫聞之躍離牀、共執干戈隨君後、何難一鼓摧扶桑、哀哉天不佑豪傑、竟使三將殞沙場、李廣未飲匈奴血、岳飛未舉黃龍觴、耿耿胸中報國志、豈隨泉土爲渺茫、上激雷霆飛霹靂、下作怒濤衝海嶺、不毀三島難瞑目、袍澤識之憤無忘、雲漢風動鷗鵬舉、二將英靈鑒帝旁。

沈烈士崇誨

烈士江蘇江寧人，隨父宦生長華北，畢業清華大學，以志切報國，轉習飛行，畢業航校三期，以戰功擢中尉分隊長，二十六年八月，奉命炸余山敵艦，以機生故障，致脫隊獨飛，在白龍港上空，瞥見敵艦羣，俯瞰猛衝，與敵艦同歸於盡，壯烈殉國。

舉世多隨燕雀羣、鷗鵬獨爲萬里游、卓卓沈生南國秀、早歲京囊冠羣流、提劍還尋屠狗輩、易水寒波猶射眸、荊軻市上一杯酒、擊筑悲歌莫解愁、耿耿胸中不自得、常有奇氣貫斗牛、大海翻波

躍鯨魚、一夕瀋陽化爲墟、志士慷慨投袂起、競章壯闊報國途、冷冷鷗背吹天風、早把三鳥吞胸中、直度蓬萊展身手、奇功一笑酬英雄、敵艦羣棲白龍港、飛將神馳兼技癢、聚而殲旃真太快、令下鷗鷺翅先颺、豈知李廣悲數奇、壯志偏與風雲違、千鈞一髮唇香上、垂翼天池猶未垂、猛氣忽來山嶽動、滄溟波浪兼天湧、蒼鷹疾下鯨骨碎、博浪秦廷輸此勇、荆卿術疎空遭殃、壯哉將軍共敵亡、億萬年後余山上、應見毅魄猶堂堂、空軍大將高志航、繼起顏頤劉粹剛、將軍與之爲三烈、妨孺聞名爲沾裳、寰宇未清寇在境、長思猛士守四方。

李烈士桂丹

烈士遼寧人、航校二期畢業、在學時、爲高烈士志航所激賞、嗣隨高轉戰京滬間、擊落敵機三架、後擢上尉大隊長、繼高任、二十七年二月十八日、敵傾巢犯武漢、君率隊與戰、勇冒火網、先衝敵陣、指揮個別兜擊、殲敵機十二、而君竟於凱旋中犧牲。

關東志士高志航，參起顏頤劉粹剛，要知桂丹亦佼佼，如鶴隨鳳參翱翔。大海波翻蛟鱗驕，老蛟生翅騰碧霄，遙逐浮雲踐華月，遮斷銀河烏鵲橋。鷲地高空起霹靂，漢家飛將當頭擊，一隻一隻復一隻，紛紛鍛羽天江側，鴉陣忽散還忽聚，聯尾傾巢犯鄂渚，將軍領隊立雲端，敵胆已破猶撐拒，密密火網布如雲，將軍見敵不見身，縱橫盪決出復入，敵鳥十二殲爲塵，遂開空前之奇捷，飛聲四海眞洋溢，將軍聞捷不歸來，千載英雄淚橫臆。

安烈士家駒關烈士萬松

安烈士粵人，航校一期畢業，以戰功屢受獎資，晉擢少校隊長，性坦白，與人交傾肝胆，對

部屬愛護備至，士多樂於効命，抗戰軍興，轉戰各地，所至有功。關亦粵人，學長海外，初在美國萊茵航空學校習飛行，成績優著，慨於國難日亟，歸効祖國，復畢業航校高級班，授少尉，隸安烈士麾下，屢隨征多奏功績，與安先後殉國。

粵東兩烈士，曰安復曰關，安君心腸胆然白、霽月清風懷抱間、復有一副好肝胆、赧然輪困還難、慷慨當仁有不讓、赴湯蹈火不爲難、愛護袍澤如子弟、疾視寇虜逾鷹鷂、關君雖華裔、生長西洋歷年久、無如顧念祖國心、有如嬰孩慕父母、高學房龍技、怒伸斬鯨手、歸來赴國難、壯氣貫星斗、從安將軍雲霄中、激烈搏戰雷霆吼、東指滄溟北榆關、橫掃妖鳥揮鐵帚、敵來原堪一網擒、無奈英雄悲不壽、兩公忠勇天下聞、英概足激吾三軍、直搗扶桑知有日、陣前看盤鷲鏖雲。

閻烈海文

烈士遼寧北鎮人，幼富革命思想，每讀史至忠烈事，即慨然興仰慕之思，二十八年八月十六日，奉命炸滬敵，不幸中彈，君跳傘誤落敵陣，圍捕者益至，度不得脫，乃拔佩鎗環射，殲數人，卒自戕。

霹靂生肝胆、風雷起胸臆、壯哉閻將軍、雄心副健翮、少小讀書慕忠義、那堪生遭陽九厄、千華山破遼陽淪、心折骨驚此何日、入關學就屠龍技、奮跡雲霄期報國、下爲江海驅蛟鯨、上爲高空掃彗孛、寤寐凌厲思殺敵、豈許此身爲賊得、日月忽沉天地窄、咫尺神州化異域、榮辱芳臭頃刻殊、哀哉壯士宜引決、金丸脫殼流星馳、老鏽縱皮山嶽裂、賊衆由來誅不盡、贏得數賊命先畢、壯士何用裹屍遠、灑血沙場萬邦泣、吁嗟乎、周處劍、段公笏、千載與之同比烈、魄遂怒潮直奔海、氣化長虹猶貫日、壯哉將軍不虛死、巍然立我空軍則。

惲烈士逸安高烈士謨

惲高二烈士均江蘇武進人，惲初卒業陸軍洛陽分校，嗣改入航校專學偵察與無線電，畢業授少尉，抗戰軍興，迭獲重要敵情，裨益作戰甚大，二十六年十月奉命赴崑崙縣偵察，返航途中迫落霍縣，人機俱焚。高航校五期畢業，歷參陝甘剿匪諸役，有功，迭獲嘉獎，擢少尉，二十六年八月，奉命炸滬敵陣地，中途失事，在臨安上空，機焚人殉。

毗陵常州古稱

文章甲天下、代有英賢主風雅、明時武進唐荆川清陽湖、惲子居張

文壇歛乎推班馬、豈知

近日轉風雲、龍城

常州又號六龍城

高躍飛將軍、惲子本是文章裔、高君伯兄亦能文

謂伯

時危激越匡扶志、

迢遙雙劍騰雲津、撥霧穿星搜月窟、妖鳥動息皆能聞、雷霆忽震驚霹靂、狐兔碎骨斃失羣、關雲
關月經行熱、朔燕塞鴻眷屬親、丈夫許國不回顧、一日成仁同殺身、霍縣縣前埋血碧、臨安城頭
哀鶴焚、灑淚更悲高伯子、怒魄長逐胥濤奔、
伯楨以落
溺海死

黃烈士居谷

烈士廣東揭陽人，畢業廣東航校六期甲班，二十五年七月，首先駕機歸効中央，以功擢中尉分隊長，二十六年九月十九日在南京太平山上空，與敵激戰陣亡。

江河知朝宗、羣山尊嵩岱、懿歟黃將軍、毅然決向背、浮雲天半任遷移、北極朝廷終不改、一鷹
先向金陵飛、衆鳥都識中央貴、大海翻波老蛟出、插翅騰空飛戰戰、將軍赫怒向青霄、點點江流

蛟鱗血、奇勳天不償英流、太平山畔風雨愁。

秦烈士家柱

烈士湖北咸豐人，入航校習機械，嗣改學飛行，畢業六期，爲人精明幹練，處理職務秩然有序，人欽其能，任少尉分隊長，二十六年八月二十三日於激戰中失蹤。

秦君溫靜若處女、清辭嚶嚶鶯聲吐、偶然乘興一登場、突過秦青和絳樹、莫教聽到敵機鳴、欸若大谷騰哮虎、來往雲端決鬥雄、敵有來途失歸路、罷戰歸來語同袍、勃勃胸中有餘怒、石城夜雨杜鵑啼、莫得尋君駭骨處、西川萬里逢故人、談君戰績如昨暮、

李烈士嶽龍魏烈士國志

李烈士原籍貴州，僑居鎮江，畢業航校五期，授少尉，專習轟炸，二十六年十月十四日，夜赴滬炸敵艦，敵以爲己機返防，予以重創，第二次再往，不意載彈過重，起飛墮地，人機俱燬。

魏烈士吉林延吉人，痛故鄉之淪陷，入關投効空軍，志在光復，畢業航校六期，授少尉，二十六年十月十五日，與李烈士同機罹難。

壯哉李嶽龍、一口要吞敵、蹙載三百彈、一擊倭可滅、哀哉天不佑、未舉先鏖翻、奇功竟不就、壯心空激越、方其初往時、敵人延之入、盤旋復翱翔、忽焉驚霹靂、使其得再往、大勳於焉集、告廟薦長鯨、奏凱滿六合、豈料成夢寐、青泉猶咄咄、桓桓魏國志、與之同碎骨、毅魄望遼陽、憤淚猶滴漣。

黃烈士鶯

烈士廣西宜山人，廣西航校第一期畢業，任少尉，參戰不及旬日，即射落敵機四架，敵號四大王之加藤大尉，即斃於君手，嗣後每戰均有獵獲，成績之優，為同期冠，南昌之役，以一堂七，陣亡，總裁題「精忠報國」四字褒之。

粵西雄傑士、姓字一何矯、營語纒三囀、鵬搏已九霄、鷗梟喪魂魄、鳥雀敢刁譎、特筆褒忠烈、鄂王名共標。

劉烈士若谷鄧烈士鳳崗

劉烈士廣東興甯人，畢業航校五期，兩次參剿匪戰役，均著助績，擢中尉，在同期中遞升最速，二十七年七月十二日之役，君與鄧烈士同機作戰，返航被敵截擊陣亡。

南紀雙英傑、東望髮指冠、雲端霜鵬健、島國海波寒、正向黃山進、橫來赤管干、極極飛將躍、並落大江湍。

黃烈士瑞穩楊烈士權

黃烈士廣東台山人，畢業廣東航校五期，任事數年後，又入中央航校高級班受訓，期滿授中尉隊員，先後參加上海寶山抗日戰役，屢建奇勳，二十八年二月二十日，奉命出發至漢口炸敵，因氣候不佳，在宜昌周家河失事墮地，機燬人亡，年二十八、有子二。

楊烈士廣西賓陽人，畢業廣西航校一期爆炸班，授准尉轟炸員，勤恪供職，對所負任務，均

能圓滿完成，在抗戰諸役中勞績最多，二十八年二月二十日，與黃烈士瑞穩，同罹難。西粵英才似鳳鶩、捐軀長仰鳳威存、青編已著寶山績、芳草猶繁漢口魂、雲漢爭看新鶴起、神州豈許老蛟吞、山河一一重收拾、還我義軒萬葉孫。

劉烈士福洪

烈士察哈爾萬全人，初求學東北，鑒於國勢阽危，非武力莫能挽救，轉習軍事，先後畢業軍校九期，航校二期，剿匪諸戰役中，立功最多，迭受嘉獎，擢上尉隊長，二十八年二月五日，奉命炸運城敵機場，任務完成後，返航抵臨潼，失事墮地隕命，君丰儀俊美，個儼風流，胸懷豪爽，待士以熱誠，君偶陳影凡自戕以殉，君故吏汪修元爲誦作歌。

壯士好肝膽、豁達照雲霓、彩鳳愛其侶、同死亦何辭、以心易心交奇士、士願爲之剖心脾、以心易心撫部伍、伍願爲之赴深谿、將軍期報國、升官不爲喜、慷慨對賀者、去死益近矣、迅雷霹靂轟運城、惡鳥紛紛殞絕聲、任務完成身不返、賀者齊轉哀淚零、求仁得仁亦何怨、更有奇勳留待君、在天常領鵬鵠隊、在地忽造鴛鴦墳、猶有舊部述風概、對我常誦劉將軍、

張烈士若翼

烈士福建永定人，字武宏，號傲垣，父蛻公。名進士，歷宦中外有聲於時，君承家學，總角卽著文學，爲長老所鍾愛，願以神州板蕩，虜騎縱橫，不欲以文士自限，入航校畢業六期，授少尉，戰事乍起，每臨陣爭先，迭挫敵。二十七年一月四日，敵襲武漢，君奉命迎禦，被圍攻，翼折，墮小軍山麓，陣亡。

秀絕名門胄，時危奮作雄，三千擊海水，九萬御鵬風，殺賊青霄上，成仁白日中，問年纔弱冠，灑淚八方同。

鄧烈士從凱段烈士文郁

鄧烈士從凱，廣東防城人，畢業航校五期，以功擢中尉分隊長，在抗戰中，挫敵燈機，疊著勳績。段烈士河北高陽人，畢業航校六期，授少尉，二十八年十一月四日，敵以卅六架機之編隊襲成都，與鄧烈士冒火網，衝重圍，合力夾擊，斃敵所謂轟炸之王奧田大佐。而二君均以功成殉國。

一鷲直上破碧天、修翼搏風扇八筵、陡下猛擊無留連、鷲羽鵬翅鵬翅謂敵機先後墮、彩烟照日光鮮
、仁壽縣民方拍手、拗喜爲悲淚似泉、一鷹遠揚至緜陽、猛志更爭列缺光、奧田大佐倭領隊機爲授首、衆鴛失首眼盡盲、縱使碎骨志已償、橫屍原野真堂堂、學就藝成纔數月、成仁拔出少年場。

樂烈士以琴

烈士四川蘆山人，初學醫，志切報國，轉學航空，八一四戰起，陪高大隊長志航，轉戰曹娥江上空，擊落敵機多架，功播寰海。

志航龍蛻後、樂子著鴛音、曾學生人術、尤懷殺敵心、娥江建雄績、玉塞起哀吟、千載蘆山上、英魂月夜臨、

王烈士天祥

烈士浙江黃巖人，幼有大志，夙慕文信國，因襲其名，卒業軍校六期，及航校一期，二十六年八月，領隊炸滬敵陣地，予以重創，并擊落敵機兩架，已機亦擊傷，降落殉國。

慷慨慕文公、名同節亦同、黃巖謫星宿、碧落御天風、已遂成仁志、還多殺賊功。乾坤袍澤在、看射海波紅、

趙烈士超凡陳烈士略

趙烈士湖北黃陂人，畢業航校五期一班，任空軍士校上尉組長，以試飛新出修理廠之教練機，蒙布脫落，機墮殞命，陳烈士粵人，畢業廣東航校任士校上尉副組長，以考試學生，飛機失事殞命，二君對教練學生，均抱熱誠，殉職後，學生痛之至深。

雲天俄失勢、骨肉不重圓、桃李盈場泣、鴟鵂鍛羽鮮、斯人竟雙逝、吾道益孤懸、辛苦年年教、用心堅以專、

述事並弔周志開將軍

三十年冬，空軍驅逐隊集訓第三、四、五三大隊大隊長以下飛行員於雙流機場，兼總隊長劉公炯光延余講學庸課、

不用泝澆洗、大用可封侯、不絕手同藥，用者殊其儔，舊者抱道術、原自包蠶流、近日各武費、敷教承寬柔、元首頒特令、厥旨深且周、增設學庸課、於以啓兜鑿、三十年秋 委員長手令 各軍事學校增設學庸課 余主講學庸、須與武經通、聽者鸚鵡侶、職高位已崇、因人以爲言、參酌用斯洪、是時雙江上、浩浩翻雄風、聯合三大隊、訓練乘寒冬、摘其驅逐暇、加以磨琢工、余講定靜章、反復三致意、靜中靜非難、動中靜

斯貴、極動中能靜、大任斯堪界、何者爲極動、百萬兵猝至、八方合圍來、厥聲動天地、吾乃僅空營、攻出吾不意、寸心了不動、如珠沉在水、大敵雖當前、靜籌應付計、儒無不能兵、脈理本相融、兵家極精微、儒書已先窮、吾能爲此言、無所用諸躬、不用泝澣洗、大用可侯封、君曹善決擇、巨筆待書庸、極論吾抵掌、聽者皆動容、有彥周志開、默若會諸胸、明年在梁山、竟以奏膚功、奏功事如何、是日天氣昏、吾往炸宜昌、去機響成羣、寇賊亦殊智、撥機躡蹤來、防空不傳警、直謂吾機歸、是日吾往炸宜昌之機實有命停恩施、已過梁山嶺、卽臨機場頂、紛紛在場者、欲辨猶未省、及至猛省時、禍發在俄頃、司令不及令、駕員不及駛、推有視場機、一任寇機炮、一鶚直穿天、三梟俄殞地、志開以隻機起飛、羣衆方愕眙、志開在雲際、司令不及令、駕員不及駛、何以志開身、已與落敵轟炸機三架、羣衆方愕眙、志開在雲際、司令不及令、駕員不及駛、何以志開身、已與機並起、是何靜者心、而具大勇氣、造次顛沛中、熟精致身義、靈警不失時、把捉沉酣適、轉其惡劣境、更居優勝勢、若非窺其瑕、胡從得此利、彈如連珠發、敵惟奔命避、從知國有人、不敢復輕視、鷹隼擊高秋、烏雀徒送死、政府策殊勳、懋賞以不次、由上尉立陞少校、青天白日章、元首爲親繫、空軍破天荒、空軍軍官賞青天白日勳章自志開始前此未有也、中國奇男子、四海傳瑤觴、千秋表青史、昔者高志航、猛烈三軍冠、自負迴天力、竟遭滅頂慘、敵機臨頂志航仍欲駕機、銜恨入地深、奇功待君纂、造父駕術精、由基弓法擅、學養俱到處、毫髮無遺憾、自傷一腐儒、常希救世難、五十無所裨、數言惟君贈、哀哉君已逝、無由相印證、烈士無令終、報國已擯憤、

紀席生言

名毓隆、空軍士校第一期畢業今以功陞中尉、

常懷爲腐儒、生當爭戰世、深憎寇虜狂、莫救蒼黔害、嚼齒空穿齦、衝冠還裂背、今朝席生來、使我一增氣、生云昔在校、病疽黃竟體、西醫告不治、將從淘汰例、殺賊徒有心、留學已無計、惘惘意如失、恨恨身欲棄、藥師發圓光、轉變事亦異、先生爲治療、清淡只數味、一劑病即知、兩劑病良已、鷓鴣長羽翮、陡入雲霄裏、俯衝有餘快、高搏彌得勢、蛟蛇輸天矯、雷電遜輕銳、名標龍虎榜、身列鷓鴣隊、耑伺搗臬羣、遂我搏擊志、奮迅衝陽天、遠厲潼關外、河嶽風塵高、飛揚拳爪利、南北無空闊、縱橫隨指示、殺氣接滄溟、壯心蓋邊塞、三年矢忠貞、作戰十一次、平蕪毛血盈、賤體瘡癥萃、已破羣醜膽、爰揚大漢幟、常懷先生德、深解先生意、昔慚不敢見、今見意當慰、先生歎文儒、此事已足紀、何必赴沙場、身卽子之代、誰起溝壑瘠、添我風雲翅、折肱術誠神、報國道無貳、聽生言始喜、聽罷忽墜淚、寇虜攻吾國、衡陽守爲最、慘等睢陽賊、烈嬾代州事、明周遇吉、守代州、暴骨齊衡山、流血浴湘水、神靈皆雨泣、原野絕人類、恆思奮身去、同爲國殤鬼、中宵熱血騰、轉側何能寐、豈知生此時、應揚雲漢際、下擊旬雷透、橫掃驅腥穢、塞余赴難情、耀子屠龍技、從知青囊中、術與韜鈴最、藥籠奇物多、方製陣名配、但擇英雄醫、庶備干城衛。

不補假歌贈空軍士校金副處長恩心 三十年作。凡校中輪值星官、值畢

、金從不
補假、

不補假、勤職務、家山久殘破、金藩畏友今黃土、謂高思此沉沉痛入心、何容一刻爲懽豫、兒死不

陽人

回顧、金去秋、喪一子精誠有獨注、身爲多士則、志復舊土宇、鷓鴣滿天意氣豪、正待教練豐毛羽、不補假、勤督課、練新軍、鹹強虜、待看盡復禹山河、謂公三月爲酣臥。

誅毒彈歌 三十年

我軍於雙十日曉，攻入宜昌城中，予城中之敵以圍剿，敵窘甚，敵曾乃以飛機三十餘架，飛至宜昌上空，投下大量毒彈，殺傷我軍民甚衆，尤以民衆爲慘，我軍事當局，愜恤無辜，乃令攻城之軍，撤還原陣地，倭之不顧人道，違背國際公法，敢肆用毒彈，聞者莫不切齒，爲作誅毒彈歌，以激我空軍袍澤云。

龍門龍，虎門虎，戰場愈闊鬥愈苦，殺敵惟憑力與武，青天白日堂堂戰，毒計殺人世所賤，灑血長使天地鮮，國脈拌將生命換，壯哉蘇俄活炸彈，十二英雄鬼神歎，醜哉倭奴毒氣彈，鬼域猶爲羞掩面，宜昌城上風慘慘，生靈何限遭塗炭，橫殺無辜天不容，四海英雄憤扼腕，爾不能爲龍虎之鬥爭，爾不能爲青天白日堂堂戰，爾竟計出鬼域下，爾竟兇愈梟獍胆，不畏鬼神之惡怒，不憚隣國之呵譴，爾有鴉鴉飛滿天，吾有鷓鴣布香漢，丈夫拔劍起砭案，山可摧兮日可轉，雄心一決看果敢，一當百兮百當萬，電爲鞭，風爲扇，駕雕鷲，過海畔，問爾茫茫大海中，三島能當幾個彈。

雛鵬歌敬祝士校成立三週年

三十二年秋

金臺招駿足，天池養鷺羽，天下豪俊人，羣焉于此聚，築場成都南，奠基雙江潯，業業建營舍，

高廣數千步，分科勤教練，無間寒與暑，風雷起雲端，絃歌出烟樹，萬仞碧霄上，欣見雛鷓鷯，乳虎能食牛，雛鷓無海族，一擊滄溟翻，再擊三島覆，三擊殘暴盡，復我舊邦國，豪氣不可無，勁氣須內斂，養鷄宜如木，教鷓宜穩健，大勇不可當，緣其不輕發，平常只如怯，一發莫爲敵，校期國慶日，復值國慶節，洗洗三年中，兩隊鷹隼出，四海正風塵，英雄期立績，蒼莽梁益間，潮瀨鷓鷯窟，風高雲自壯，仰天看勁翻。

空軍士校三週年成立紀念題詞代

民國廿七秋、士校始創立、泱泱古梁州、皇皇國慶日、奠基南橋南、築場雙江側、是時妖稜高、禹域半隳突、欲招豪俊人、迅掃寇虜窟、風雲開天池、萬羽爭來集、分科勤教練、夙夜不遑息、期養鷓鷯翅、痛飲鯨鯢血、高據雲津上、猛氣已莫敵、俯睨東海淺、雄視雪山白、三年桃李花、兩隊鷓鷯出、卿雲飛滿天、復值國慶節、行都寄巴渝、豺狐穴建業、奇恥何時洗、英雄憤所切、憂勤實與邦、殊勛待豪傑、賦詩勗多士、枕戈望明發、

贈士校第一期畢業生

三十年冬

三年桃李吐芬芳、振翻雲霄意氣長、碧落星辰隨採摘、黃埃寇虜莫狂猖、正當塵土成名歲、忍視乾坤爭戰場、好看鷓鷯擊海水、盡驅梟鳥過扶桑。

送空軍軍士學校第三期全體畢業生之伊甯受訓

是期學生札爲授學
庸課三十一年冬作

春風吹桃李、桃李競芬芳、爛漫隨陽景、風花兩相忘、花雖不憶風、風能不相憶、常思送煖氣、花花都

結實、个个堅且好、焜耀照麗日、君今伊寧去、道路遠且長、邊城寒氣早、山川冒雪霜、望君各珍重、個個保健康、明年春草綠、奮飛還故鄉、殄寇立功績、千載有輝光、一飛即出萬里外、一鳴還望能驚人、巍巍中國版圖闊、東峙秦岱西崑崙、轉望定遠跡未泯、峨峨季高勳猶新、狂生昔日有狂氣、常思浩蕩排天地、今日老矣無能爲、惟望諸生續吾志、一年所講無他言、只在殄寇安乾坤、

憶西征士卽士校三期飛行畢業生

寒雲高嵯峨、冰氣塞太空、念我西征士、正在征途中、欲拂雪嶺過、遙借鷓鴣風、雪峻嶺萬仞、已無道可通、搏風九萬上、更見鷓鴣雄、上下冰一色、山川浩無窮、但看志氣猛、勿覺冰雪重、去海三萬里、華夏車書同、始知中國大、益足開心胸、豈憚習戰苦、常期立功豐、驛客久梁益、鄉心日夜東、從今念征士、更佇西日紅、

留別士校 三十二年作

冀也雄心壯歲飛、而今老去太淒其、瀟行爲講班超傳、訖望擁關張國威、

掠駝峯歌

三十四
年冬作

官校飛行科陶科長偉生，自印度遷校回國，駕小機，領隊逾喜馬拉雅山掠駝峰而歸，遇於成都爲作歌稱賀，

將軍自何來、來度喜馬山、喜馬寒天地、度越豈不艱、將軍有雄心、更包天地外、喜馬在其中、

視之猶一芥、巍巍山勢峻、一點騰上飛、盟軍有大機、將軍駕小機、小機不及遠、器容油量微、萬竅窺壑底、何汝下充飢、萬一偶垂翅、皮骨無留遺、浩氣御之行、油盡氣不疲、他機悲願散、將軍完隊歸、盟軍顧之歎、稱君大英雄、何當盡君才、爲國建大功、

整理前稿畢、適檢得舊作與友人論詩詩、與此集名及序旨有合、因取以爲亂、

老至於此事、不作安排功、山川大氣來、排蕩入胸中、勃焉不可制、肝膽生華嵩、蒼茫包六合、森森摩碧穹、此時一命筆、鵬搏九萬風、浩然與天游、星斗燦無窮、點竄任我用、字字光芒雄、蛟鯨戲大海、噴霧迷艤艫、神龍在天漢、垂雲九州同、大小原各殊、道技有污隆、讀書破萬卷、真子微粒松、舍之不知取、白首爲凡庸、此語勿告人、徒費唇舌工、吾將乘元化、高歌翔太空、

自跋

九萬里以上高歌第一集、(現名猛思集)不佞所撰國聲五集中札出一部分也、不佞幼有壯志、常慕班仲昇傅介子之爲人、冀立功萬里之外、願當志學之年、忽嬰羸疾、不獲入武彘讀、家君令習醫、謂于養生謀生可兼資焉、初非余所好也、年三十遊燕趙之郊、以大計于吳孚威於保定之光園、吳不能用、於是遂有遁世之志、既而有瀋陽九一八之事變、既而有蘆溝橋七七之事變、念吾先荆川公在明中葉以剿倭炳勳青簡、今丁吾躬、而倭復猖獗、欲覆亡吾國族、余不能奮身疆場、爲國捍大患、禦大寇、實憤且愧、雖不能執干戈殲虜、當以毛錐殲虜、凡遇名都大邑、戰勝戰敗、奇績國故、我陸空名將護士、大忠大烈、可泣可歌之事、均紀之以詩、于以激我袍澤敵愾之氣、名曰

國聲集焉、至抗戰勝利前止、凡得五集、其前四集江東楊雲史先生圻爲之序、梁均默先生寒操、前爲西南行營政治部主任時、付桂林青年書店爲出版、願是時交通艱阻、印出之書、未及行遠、迨桂林淪陷、版燬書燼、今航委會政治部主任簡公、命札出係於空軍之一部分、將別刊之、不佞因名之曰九萬里以上高歌、曰第一集者、吾國此次抗戰八載、陸空兩軍之壯烈戰績何可勝紀、今吾所撰諸歌詠者、僅大海之一勺耳、一人之耳目有限、見聞無遠、况值抗戰聲中、生活壓迫、鷄鳴而起、午夜而息、行旅數口、救死之不暇、凡前所作、多出於枕上夢醒片時之爲、積久而有此也、吾先世有山在荆溪在宜興縣境之南、名曰龍池、上植林萬竿、長松千尺、余歸擬開一弓之地、築小樓於雲林之杪、上摩星辰、下撫簡冊、儻有空軍同志、登樓告余以空軍戰績戰史、可歌可泣之事、余當從容提金管拂龍硯、一一寫入詩歌、續爲二集三集而未已也、孟子曰、我善養吾浩然之氣、其爲氣也、至大至剛、以直養而無害、則塞乎天地之間、莊周曰、風之積也不厚、則其負大翼也無力、九萬里則風斯在下矣、而後乃今培風、背負青天而莫之夭闕者、而後乃今將圖南、培風也、養氣也、皆離塵垢、脫蓬心、而與天爲遊者也、吾國抗戰八載、一躍而列於四強之林、然耗損亦多、培風養氣、斯爲急圖矣、風厚氣塞、空軍充實、然後攜吾此詩、高歌於九萬里以上、而與天爲遊、其有足樂乎、其無足樂乎、願以質諸空軍同志。

大中華民國三十五年四月二十日武進聶公唐玉虬撰於成都青石橋寓舍


附記

一、本書原名「九萬里以上高歌第一集」因集中所咏係爲我空軍殺敵及

諸烈士成功成仁之偉績，際茲抗戰勝利，國土重光，緬懷往蹟，令人不勝其「大風猛士」之思，故爲易名「猛思集」，以符原意。

二、本書著者唐玉虬先生，素負詩名，其所吟咏頗多少陵之筆法，蓋旨在紀徽史實，俾以傳流，初不計文詞之精工，以免因而礙意也。故我空軍將士於公餘飛後，手此一編，朗吟低咏，必能激發忠盡，益勵丹忱，發揚先烈之光榮，促進空軍之建設，是亦本部印行本書之目的也。

三、本書原擬附以插圖俾閱者對圖讀詩，益增興趣，因空軍同仁，催促甚殷，附印不及，將于再版時列入，特此附白。



第六二四号

A. 82
002115
4)

